

LA USC DI LADINS – VENERDÌ 11 GENNAIO 2013

L film cuntà per ladin

Tl cheder de si produzion de material didatics de ladin per la scoles autes à l Servisc de Inuvazion y Consulënza dl Departimënt Educazion y Cultura Ladina dat ora la unità de lëur „Storia dl film“ de Ivan Senoner



L cuiertl dla unità didattica dla storia dl film per ladin.

Scola - Chësc mesun de nseniamënt, tla verscion gherdëina

y badiota, dëssa ti judé ai nsenianc de ladin a purté ite cuntenuc moderns che ti nteressea ai sculeies te si leziions de rujeneda y cultura ladina.

Ivan Senoner, nstës nseniant de ladin y scritëur, ti va do ala storia dl film dal 1910 incà nchin al didancuei, mustran su ejëmpli nteressanc de produziions cunesciudes sëura dut l mond y prejentan nce l cuntenut de films che à fat storia, cun si persunajes plu mpurtanc y cun i atëures y reghisseres plu cunesciui.

La grafica y l layout ie de Anita Demetz, la fotografies ie unides crisses ora da Felix Ploner, l test

badiot ie unì ciancià da Claudia Rubatscher, l letorat ie unì fat da Rosmarie Mussner y da Erna Flöss che à nce cuordinà l proiet.

La publicazion che cuntën nce eserzitaziions y dumandes plu avisa ie unida stampada dala stamparia dla Provincia Autonoma de Bulsan.

„N spera de pudëi ti dé tla mans a nosc nsenianc de ladin n mesun che toca l nteres de nosc jëuni y che atualisea l nseniamënt dl ladin, desmustran che l ne n'ie nia mé tacà ala cultura dl passà,“ dij l ntendënt Roland Verra. Plu nfurmaziions iel da giaté tla plata internet pedagogich. it (*usc*)